

Baet Seuq Lajmbanj, Mbanjranz Gyaendei

美丽家园，清洁乡村

武鸣县太平镇庆乐小学六年级2班 危泓璟

Ranzmbanj gou gingjsaek gyaendei. Mbanj baihlaeng dwg goengq bya' iq ndeu, daengxib cungj-dwg heuswdsd. Miz diuz rij gvaengx gvaq ranzmbanj caeuq goengq bya' iq, raemxrij cingxdikdik couh lumj diuz sanyawh ityiengh. Geij bi neix daeuj, lajmbanj ginghei fazcanj gig vaiq, ndaw mbanj baenz doengh baen doengh ranzlaeuz moq cungj hwnq hwnjdaeuj lo. Mwngz yawj, gizhaenx lijimiz geij doengh ranzlaeuz cingq caep ne.

Hoeng, mbouj gaeuq gyaendei couhwdg, geij bi neix daeuj, ndaw mbanj gyoengqvunz cungj okbae lauzngaenz, hwnq ranzlaeuz, cix mbouj aiq goq vanzging veiswng. Byaij hauej ndaw mbanj, mwngz couh yawjraen goxgox gexgex cungj dong miz haujai nyapnyaj, lienz diuzrij ndawde cungj fouz gak cungj gak yiengh nyapnyaj. Gwnz loh loemq miz haujai gumznaez, boux byaij loh mbwnrengx ndang cungj rim faenz, fwndoeck ga rim naez!

Daj bineix seiqnyied doxdaeuj, "baet seuq lanjmbanj, Vujmingz gyaendei," aen hozdung hung neix guh daeng lajmbanj, yienghneix, ndaw mbanj gietdingh, mbanj raeuz caezgya baet ranz baet hongh, cingleix ndaw mbanj goxgox gexgex seuq bae. Ngoenzneix doenghhaet daihcaeux, ndaw mbanj gyoengqvunz couh faen baenz geij doih, yungj-foedfoed guh hwnjdaeuj. Mwngz yawj, gizneix gyoengqvunz cungj caezgya dawz sauqbaet sauq, conx dong dawz hwnj gwnz ci bae, yinh bae daengz lahgez culjcaenz, gizhaenx gyoengqvunz cingqcaih dawz diuz guenjaemx cung swiq namhnaez gwnz daihloh! Bouboux cungjdwg nyaengqfoedfoed. Daeujdaengz diuzroen naezndwd haenx, va, giz-neix engqgya nauhyied ha! Geij boux hauxseng cingq dawz fagcanj roengzrengz canj gig rin' iq, dawz gijde dienz roengz gumz bae. Ciuhqong ndeu, daihgya



doz swbliu

najbyak cungj hanh conh lo, hoeng, cungj mboujmiz saek boux dingz roengzma, raemxhanh daj najbyak rih daengz gwnznaj, gwnz buh.....

Gyoengq lwnyez raeuz hix mbouj youqhoengq. Yawj, raeuz caemh dawz fag gvak iq, fag canj iq cingleix henzroen gig nyangq, caemh mizmbangj ra mbouj raen faggvak caeuq fagcanj, couh aeu fwngz ciemz, roxnaeuz dawz gig nyangq conz baenz dong. Yaepndeu, gwnz fwngz raeuz cungj hwnj baenz aen baenz aen bop iq, hoeng mboujmiz saek boux hemq in. Saek seiz in lai, aeu bak boqboq angi fwngz, youh caiq laebdaeb guh.

Seizgan gvaq ndaej gig vaiq, daengz banngaiz, gwnzroen doenghgi gumznaez mbouj raen lo, henzroen nyapnywj daiq rag cungj ciemz lo, bonjlaiz doenghheij nyapnyaj dauqcawq cungj raen haenx seizneix caemh ndonj deuz liux lo.....

Baet seuq lajmbanj, hawj banjranz raeuz engq gyaendei lo. Gou gyaenz mbanjranz gou.

(指导老师:林锦凤 黄成良)

Yaep da siujyoz couh yaek bizyez lo, miz haujai saeh, gou siengj hwnjdaeuj cungj gamj-daengz raeujrubrub, miz haujai doengzhag hawj gou ciengxlwenx mbouj rox lumz, roek bi ndawde, dwg gyoengqde bangcoh gou, hawj gou naemjgeiq le diemzsis.

Miz dah doengzhag he, de caeuq gou gig ndei, moix baez siengj hwnj de, ndaw uk cungj miz faj naj riunyumj he, lwdga mbij dwk, heuj hauyenlen loh okdaeuj, hix ndaej yawjraen lwdga de ndongqliklik, gokbak vid doxhwnj, miz di diuqbeiz hoeng gig coengmingz, de couh dwg Sinj Yenz. De dwg boux hagseng binj yoz cungj ndei ndeu. Lauxsae moix baez daez daengz de, cungj naj loh riu. De caeuq gou miz di saeh he, saeh neix hawj gou ndaej rox hit daengx ciuh. Haenx dwg baez suyoj gaujsi he, lauxsae fat gienj roengzdaeuj le, gou raen gienj gig genjdan, couh sasa sij hwnjdaeuj. Gou swnhleih dap ndaej geij diuz daez, cingq gag angq gag riu, sawqmwh gou daengx bit lo, gou bungz daengz "duzguk" dangj loh he. Baez yawj ngamq lw cib lai faen cung, genjcaz niemhsuenq, baenzlawz ganj cungj mbouj gib, gaej gangj gyaep "duzguk dangj loh" byaij lo. Danghnaeuz yienghneix, gou



gaujsi couh gauj mbouj ndei, ranznden Lij daxbuz baeznaengz cungj haenx naeuz gou doegsaw ak, danghnaeuz baez neix gauj mbouj ndei, gou maranz baenz-lawz miznaj raen Lij daxbuz ne? Simgip dangqmaz, gou liuqyawj mbaw gienj Sinj Yenz, o! De guh okdaeuj lo! Gou goq mbouj ndaej baenz lai, sikhaek dawz daezmoeg

sij roengz diuzceij bae, gveng hawj de. Seizneix gou sim diuq hwnj diuq roengz, mbouj siengj daengz de cij yawj diuzceij mbat he couh gveng roengz namh bae. Gou gikheiq raixcaix, sim siengj, lienz di neix cungj mbouj bang gou, suenq gijmaz baengzyoux ndei! Seizneix, cujcanj daeuj sou gienj lo, "duzguk dangj loh" haenx gou doeksat hix gyaep mbouj deuz.

Cuengqhag seiz, Sinj Yenz raen gou mbouj leixlangh de, couh hozunq dwk naeuz gou: "Gou mbouj dwg mbouj bang mwngz, dwg lau mwngz gag swheij yaeuh swheij, gaujsi muzdiz dwg genjniehm aen gaihdon neix dou hag ndaej baenzlawz yiengh, gou siengsaenq lauxsae dwg yaek rox gig cingzcik caen dou, mbouj dwg gig faensoq gyaj." Gou dingq gig vah de le, hix gamjdaengz swheij mbouj deng, cau vunz, mbouj ginggvaq doengh uk, caeuq mbouj guh daez gvaq ityiengh. Yiengh-neix guh gveng le, doeklaeng caen mbouj gamj siengj.

Sinj Yenz, gou caensim docih mwngz, dwg mwngz hawj gou rox cau vunz dwg haih swheij, yingyangj gou daengx ciuh, hawj gou roxyiuj. Gou ciengxlwenx cungj mbouj lumzgeiq mwngz cungj doengzhag ndei neix.

(roek nienzgaep Liuz Meiz)

Boux Ceiq Maenhndei Dwg Mwngz Swheij

最优秀的人是你自己

Ciuhgeq Hihlaz bouxcezyozgyah okmingz Suhgwzlahdij youq mwh swheij bi' ndwen geq seiz, roxdaengz swheij gyaen mbouj ndaej geijlai nanz lo, couh siengj gaujniemh boubangfwngz bingzseiz doiq de cibfaen ndei haenx. De heuh boubangfwngz daeuj daengz henz mbonq, naeuz: "Diuz lab gou lw mbouj geijlai lo, mwngz bang gou lingh ra diuz ndeu daeuj laebdaeb diemj roengzbae, mwngz mingzbeig gig eiqsei gou lwi?"

"Mingzbeig lo," boubangfwngz vaiqviet dwk dap naeuz, "aeu dawz gig swheij mwngz ndeindei swnjeiep roengzbae....."

"Hoeng," Suhgwzlahdij menh-menah naeuz, "gou siengj ra boux vunz ceiq maenhndei ndeu daeuj swnjeiep roengzbae, boux vunz neix mboujdanah aeu coengmingz, lij aeu miz saenqsim caeuq ceiqheiq.....Boux vunz neix cigdaengz ngoenzneix gou caengz raen gvaq, mwngz bang gou ra saek boux ndei mbouj ndei?"

Boubangfwngz dapwngq lo, hix sikhaek hwnjdin bae ra lo. De mbouj lau haemzhoj, doenggvaq gak cungj roenloh bae dajdingq vunzcaiz, daiq boux dem boux vunzcaiz daeuj daengz dangqnaj Suhgwzlahdij, hojsik Suhgwzlahdij cungj mbouj muenxeiq. Doek-laeng, boubangfwngz naengh youq dangqnaj lauxsae, gyangznaek dwk naeuz: "Gou caen doiq mbouj hwnj mwngz lo, hawj mwngz saetmuengh lo."

Siengj mbouj daengz, Suhgwzlahdij dauqfanj naeuz: "Saetmuengh dwg gou, doiq mbouj hwnj dauqfanj dwg mwngz swheij. Boux ceiq maenhndei dwg mwngz swheij, mwngz cix itcig saenq mboujndaej gvaq swheij..... Gizaed, moix boux vunz cungj dwg maenhndei, cabied cix youq laeng baenzlawz nyinhrox swheij, vatgud swheij, leihyungh swheij....."

Suhgwzlahdij gangj sat doq gatcaw dai bae lo.

Vih mbouj hawj vunzraeuz lumj boubangfwngz yienghhaenx, moix boux vunz cungj aeu geiq maenh coenz vah ndeu: "Boux ceiq maenhndei couh dwg mwngz swheij!"

(Liz Dasungh)

